

Visoki predstavnik pozdravlja formiranje novog Vijeća ministara

Visoki predstavnik, Wolfgang Petritsch, pozdravlja formiranje novog Vijeća ministara koje je izglasano na danasnjoj sjednici Zastupničkog doma Bosne i Hercegovine.

Bilo je krajnje vrijeme da se nakon više od tri mjeseca od izbora uspostavi nova državna vlada. Visoki predstavnik se nada da će novo Vijeće ministara veoma brzo početi rad na rješavanju svih problema sa kojima se Bosna i Hercegovina suočava, kao i to da će ono voditi ovu zemlju kroz zahtjevne procese tranzicije i reformi kroz koje ona trenutno prolazi.

Osobito je važno da nova vlada svoju politiku uskladi sa prioritetima koje postavlja Briselska deklaracija Vijeća za implementaciju mira, donesena u maju 2000. godine, tj. sa ekonomskom reformom, povratkom izbjeglih i povratom imovine, te jačanjem državnih institucija.

Razradjujući Deklaraciju Vijeća za implementaciju mira na sjednici održanoj 7. decembra 2000. godine u Briselu, politički direktori Upravnog odbora ovog Vijeća pozvali su na poduzimanje koraka u oblasti ekonomske reforme, izgradnje funkcionalne države, saradnje u oblasti odbrane, razvoja zajednicke odbrambene politike i smanjenju vojnih troškova, borbe protiv korupcije, saradnje sa Međunarodnim krivičnim tribunalom u Hagu, bolje saradnje sa susjednim državama, povratka manjina, provedbe imovinskih zakona i stvaranju uvjeta pogodnih za povratak, provođenja Odluke Ustavnog suda o konstitutivnosti svih naroda i građana BiH u oba entiteta, borbe protiv ilegalne migracije preko teritorije Bosne i Hercegovine, kao i obnovi svih značajnih bogomolja i historijskih i vjerskih spomenika.

Vecina tih zahtjeva se istovremeno podudara sa uvjetima definiranim u Smjernicama Evropske unije ("EU Road Map"), cije ispunjenje Evropska unija ocekuje do sredine 2001. godine. Time bi se uspostavile cvrsce veze izmedju Bosne i Hercegovine i Evropske unije. Oni takodje predstavljaju i preduvjete za ulazak Bosne i Hercegovine u Vijece Evrope.

Nakon demokratskih promjena u Saveznoj Republici Jugoslaviji i Hrvatskoj doslo je do radikalnog poboljsanja situacije u regionu. Bosna i Hercegovina se sada mora natjecati sa susjednim drzavama za pomoc i za strana ulaganja. Zastoj u formiranju Vijeca ministara se, sasvim sigurno, nije pozitivno odrazio na Bosnu i Hercegovinu. Visoki predstavnik se sada nada da novo Vijece ministara, kojeg po prvi put od potpisivanja Daytonskog sporazuma cine iskljucivo predstavnici stranaka koje prihvataju Bosnu i Hercegovinu kao drzavu i ciji su programi orijentisani na reformu, nece nastaviti politicku praksu iz proslosti, te da ce Bosnu i Hercegovinu aktivno i odlucno povesti u bolju buducnost. Visoki predstavnik je pomogao formiranje "Alijanse za promjene" i spreman je da pomogne Vijece ministara u rjesavanju krupnih zadataka koji pred tim tijelom stoje. Od njihovog pozitivnog ishoda ce korist imati ova zemlja i svi njeni gradjani.

Visoki predstavnik apelira na sve stranke koje nisu predstavljene u novom sazivu Vijeca ministara da podrze plan reforme. On takodje ocekuje da ce i sve preostale zakonodavne i izvršne institucije biti formirane bez daljih odlaganja.